


35.3.E.21
2
152

PANSPERMION

EX VNIVERSIS FERE DISCIPLINIS COL-
LECTIVM, AVTHORE ALEXANDRO MARAN-
TA ARTIVM ET SACRAE THEOLOGIAE DO-
CTORE, AD SERENISSIMVM MAGNVM
DVCEM ETRVRIAE FRANCISCVM MEDICES
D. SVVM COLENDISSIMVM, ET STUDIO
SORVM, DOCTORVMQVE ASYLVM, ET
MECOENATEM.



VENETIIS, Apud Franciscum Zilettum. 1581.

CLARISS. D. VINCENTII QVIRINI

Patritij Veneti, in Alexandrum Marantam

præclarissimum Artium, & Sacræ

Theologiæ Doctorem.

EPIGRAMMA.

Fundamenta locat sacri dùm ingentia Templi
 Maranta, & nitidos erigit arte tholos;
 Dauides circumfusus sua gaudia Divis,
 Et tales placido reddit ab ore sonos:
 Cœlicola magni Solymas qui cernitis aras,
 Et rediniua pia surgere Tempia manu;
 Artificis nomen celebri producite fama
 Ultra Ararim, & gentem Memnonis Aethiopis.

Accuratus Lector aduertet PANSPERMIA vocem Graecam esse, & scœminipi generis. PANSPERMION verò neutri, cùm sit vox consuetæ Arabis & Syris. Qui etiam errata piè & officiosè corriget.

SERENISSIMO MAGNO
DVCI ETRVRIAE FRANCISCO ME-
DICES D. ET PATRONO SVO CO-
LENDISSIMO, ALEXANDER MARAN-
TA ARTIVM, ET SACRAE THEOLO-
GIAE DOCTOR. FOELICITATEM.



IGENT adhuc SERENIS-
SIME MAGNE DVX FRAN-
CISCE, Illustrum Virorum
monimenta: Non excidit Ca-
roli Crassi singularis beneuo-
lencia in eruditos homines, quos
ad scribendum hortari solebat. Sigismundi Impe-
ratoris acta non cessant, ita fouentis homines, ut
virtutibus, illorumq; doctrina nobilitatem metire-
tur. Alexandrum Magnum Macedonum Re-
gem adeo Homeri Iliade delectatum fuisse refe-
runt, ut cum dormiret, eam sub Puluino recon-
deret. Pedagogiam quam Xenophon cudidit, adeo
probauit Aphricanus, ut velut Epitomen sem-
per eam gestaret in manibus. Monimus vsq; adeo
study amore recens imprimitur, ut simulata insa-
nia ob Diogenem videndum tandem demissus sit.
Crescent in dies Linius Drusus, Chrysippus Clean-
tes, quorum vnus fuit animus, vna ad literas cu-
piditas. Longè amplius vinct

MAGNE DVX FRANCISCE nomen tuum, simul
quàm illorum omnium imago, & simulachrum,
quorum vestigia sequens, in æternum vivens fœ-
lix, quos Serenissima Celsitudini Tuae bonis artibus
deditos non latuit, protegere, venerari, & diligere
non cessavit: de quo (ut verum fatear) totus Ori-
ens & Occidens testis est, quod sanè institutum Se-
renissima Medicea Familia Tua proprium & pe-
culiare fuit semper. Hinc motus cum PANSPER-
MION istud meum omnium ferè Disciplinarum
Enuntiata complectens, praelo dare constituissẽ
cum nonnullis alijs Appendicibus pro decorando
TABERNACULO THEOLOGICO, & sub Sere-
nissimo Celsitudinis Tuae nomine in lucem exire
decrevissem, tamquàm meo singulari Meccenati
Doctorumq; omnium Asylo Serenissima Celsitudi-
ni Tuae dicare proposui. Suscepti itaq; laboris mei
rationem Serenissima Celsitudo Tua meis literis
abundè intellexit, quibus officiosissimè etiam satisf-
fecit, & Serenissima Celsitudinis Tuae respon-
sum adeò totius Europæ lumina Doctores Theo-
logi & Philosophi Celeberima Academia Pata-
vina probarunt, ut ultra laudari non possit. Co-
mendarunt enim synceram Serenissima Celsitu-
dinis Tuae in eruditissimos Italos benevolentiam,
amorem,

amorem, pietatem, & Charitatem quibus ad-
ducta eorū existimationi prospicere, consulere, &
favere ita Christianè, & piè proprijs literis statuit.
Quem syncerum & candidum paterni amoris af-
fectum in omnes eruditissimos Italos (dum spiri-
tus omnium artus reget) semper per omnium ora
volitabit. Hoc enim verè virtutis Serenissima
Prosapia Medicea Tua præcipuum fuit literis fa-
vère, eruditos homines honoribus cumulare, pa-
cem firmare, Religionem tueri, honestum sanc-
re, veritatem unice colere, & omnia denique
virtutis ornamenta gremio suo complecti. Quid
igitur ut de reliquis sileam nomine Italo quod Se-
renissima Celsitudo Tua tam officiosè suis comen-
dat, fovet atq; tuetur, clarius, amplius, & ma-
gnificentius cogitari potest? Quid utilius & salu-
tarius? Quid pulchrius & amabilius? Hoc enim
mentem quæ in homine principatum tenet, splen-
dore Divini Luminis illustrat, hoc cupiditatem &
libidinem coërcet, hoc motus inanes comprimit, hoc
animis pacem conciliat, hoc ignaros erudit, &
eruditos eruditiores reddit, & postremo humanas
mentes cum Divina conglutinat. Hoc à libidine
ad officium & continentiam traducit, hoc artes sa-
lutares quibus hominum vita continetur instituit,
hoc

Serenissi-
mæ Fami-
liæ Medi-
cæ enco-
mia.

hoc
hoc
hoc

hoc ordinem Rerumpublicarum collocat, inter
 quas Serenissima Respub. Veneta ut Sol inter Sy-
 dera emicat, hoc Reges suo nomine dignos, splendo-
 re Divinae Lucis illuminat, hoc placidissimam ani-
 morum pacem constituit, hoc dignitatem, & ve-
 ram libertatem elargitur, ab hoc laudes omnes, vir-
 tutis & sempiterna dignitatis emanant, hoc deniq;
 mortales immortalitate donat, ipsiq; DEO amo-
 re sempiterno devincit, cum apud Italos (aliorum
 pace sit dictum) purior, syncerior, & officiosior sit
 Orthodoxa Religionis Christianae cultus. Quae itaq;
 aliorum caecitas est, ut sibi laudes comparent nomini
 Italo tam fœdè & ridiculè velle imponere, cum se
 solos esse, se solos sapere persuasum habeant, nos ve-
 rò truncos & bardos existiment, cum in compara-
 tione etiam inruditiissimi Itali elingues sint po-
 tiusquam scientes, tamē pedagogis nonnullorum mi-
 rummodum se venditent atq; iactent, in quibus
 si fuisset fides ut summa esse debebat non laborare-
 mus. Non igitur immeritò Pythagora modestia
 laudari solet, qui se non sapientem, sed Philoso-
 phum appellari voluit. Philosophi enim nomen Sa-
 pientiae studiosum significat. Illius autoritate fa-
 ctum est, ut sapientiae nomine suppresso Philosophiae
 nomen in ore omnium versaretur, nemq; deinceps,
 qui

Italorum
 laus.

Pythago-
 re mod-
 estia.

qui non stultie arrogans esset, inueniretur, qui nomen
 Sapientis assumeret. Vt enim Socrates apud Pla-
 tonem dicit, Solus DEVS est natura Sapiens.
 Humana autem sapientia, ut ille dicebat, in ani-
 mi moderatione perspicitur. Ille namque inter ho-
 mines sapientia praeclit, qui tenebras, in quibus
 hominum vita versatur, non ignorat, & se nihil
 sapere, ingenue confitetur. Quod ego SERENISSI-
 MAE MAGNE DVX hoc nostro Virtutum SEMI-
 NARIO quod Venetijs publice disputandum pro-
 posui, & SERENISSIMAE CELSITVDINI Tuae
 inscribere non dubitavi ingenue fateor. Propense
 itaq; animi mei obsequium non spernet Serenissima
 Celsitudo Tua, quod si Momi vel Imuidi damnare
 tentabunt, meminerint hos meos labores SERE-
 NISSIMO MAGNO DVCI Etruria dica-
 tos esse, qui me clientem suum ab iniuria vin-
 dicabit: Nec minus Censorino Catone in Galbam
 mecum acturum. Velim itaq; Serenissima Ma-
 gne Dux, sic tibi de Alexandro Maranta tuo per-
 suadeas, & si in multis qui Serenissimam Celsitu-
 dinem tuam colunt, officiosissime respondere non
 possim, animum tamen meum longè gratissimum
 retinere, ut pro magnitudine beneficiorum tuorum
 in me collatorum, cum solum mihi bene merendi
 pro-

propensissimum obsequium erga Serenissimam Cel-
situdinem Tuam relictum sit, me nihil habere quod
cogitem, quod moliar, quod non perpetuò tibi dicem
ac tradam. Quare Serenissimam Celsitudinem
tuam oro & obsecro, ut hos nostros conatus boni con-
sulat, studiaque nostra in nomen Italum satis per
se splendidum benignitate sua singulari complecta-
tur. Quod si praestiterit, (ut fecit) animum mihi
certè dabit, ad alia multa quae apud me com-
pressa sunt, ad Ecclesiae usum & utilitatem in lu-
cem proferenda. Felicissimè valeat Serenissima
Celsitudo Tua ad totius Christiana Reipublica sa-
lutem & incolumitatem. Veneris ex nostro Mu-
seo in Festo Sancti Marci Euangelista Serenissima
Reipublica. Veneta Tutellaris Anno.

M. D. C. L. X. X. I.

1710
1711
1712
1713
1714
1715
1716
1717
1718
1719
1720
1721
1722
1723
1724
1725
1726
1727
1728
1729
1730
1731
1732
1733
1734
1735
1736
1737
1738
1739
1740
1741
1742
1743
1744
1745
1746
1747
1748
1749
1750
1751
1752
1753
1754
1755
1756
1757
1758
1759
1760
1761
1762
1763
1764
1765
1766
1767
1768
1769
1770
1771
1772
1773
1774
1775
1776
1777
1778
1779
1780
1781
1782
1783
1784
1785
1786
1787
1788
1789
1790
1791
1792
1793
1794
1795
1796
1797
1798
1799
1800

SIL LITERARIAE MILITIAE CERTAMI-
 NA VERITATIS ACQVIRENDAE
 PANSERMION VTILISSIMVM DESI-
 DERANT SAPIENTES, QVID MIRA-
 TVR QVISPIAM, SI AD PALESTRAM
 HANC SELECTISSIMAM VOS INVI-
 TAT ERVDITISSIMI VIRI ALEXAN-
 DER MARANTA ARTIVM ET SACRAE
 THEOLOGIAE DOCTOR PRO SVA ME-
 DIOCRITATE.

TABERNACVLVM DAVIDIS.



BESTIMVESCERE non equidem valeo, si
 tam admirabili animi sagacitate, inge-
 nijq; studio, corporisq; labore Maximus
 ille Prophetarum, Regumq; David pro
 honorifice collocanda & reponenda Do-
 mini Arca, ad eximium & celebre TA-
 BERNACVLVM excitandum, compāgendum, & perfi-
 ciendum, tam diū exactē operam impenderit. Cum ad
 illud aliquo modo verbis exprimendum, cuiq; morta-
 lium tam arduum ac perdifficile videatur. Quis enim
 Sacrae Theologiae cacumen non immeritō Dauidici TA-
 BERNACVLI sibi nomen vindicantis, vbi pulcheri-
 mam prāciosissimamq; Diuinitatis Arcam contempla-
 mur, dulcissimumq; Trinitatis. Manna suauiter deliba-
 mus, cū imbecillis sit nostri Intellectus Natura enu-
 cleare adamūssim valebit? Conspicuum sanē est ob eius
 imbecillem naturam in supernarum rerum contemplatio-
 ne vespertilionis oculo, qui lumine Solis offensus in
 paruulo, atq; perobsuro noctis lumine vagatur, eoq;
 delectatur, similem fieri: Etsi radij, Solis illius qui Solem
 hunc visibilem tam apprimē condidit, in supremo hoc

*Autho-
 ris Sco-
 pus.*

*-omno2
 -mā mā
 .mā*

772

7
TABERNACULO ubiq; resurgent, & vndequeque diffunduntur, quomodo homo terrenus intellectus aciem sine vlla suilaxatione in ipsum figere poterit? Nihilominus vt aliquo modo sub manus vmbra prospectari, atq; possibili animæ oculo attingi valeat, sicut Dauidicum TABERNACULUM nonnullis columnis sustinebatur, ita Theologicum hoc TABERNACULUM in medio nonnullarum columnarum superpositum, vt ex effectis conſcendamus ad causam in medium afferre decreui, iuxta id quod Tharsensis Apostolus docet: Inuisibilia enim ipsius per ea quæ facta sunt intellecta conspiciuntur. Quare mirificam huius Diuini TABERNACULI effigiem, quò ad præcipuas eius partes distinctam, facilitatis gratia distinctissimam reddere contendam.

Rom. 1.

-odm.

-032 27

TABERNACULI BASIS.

VT AVTEM ab huius supremi TABERNACULI principio exordiar, fundamentum illi summo MONARCHÆ qui alio nomine DEVS OPT. MAX. appellatur, non per adoptionem, neq; per nuncupationem, sed per Naturam, à quo tot bona promanarunt, & in dies tam vastè singula quæq; scaturiunt, abscidendum esse nobiscum ipsi pependimus: Qui purissimus actus primumq; agens existens, nullam sibi prorsus materiei rugam, seu generis & differentia, aut accidentis substantiaq; concretionem admittit: Et cum sit ita bonus, quo nil aliud melius, ita magnus, quo nil aliud maius, ita immobilis, quo nil aliud immobilius, qui sicut Omnipotens cuncta creauit, sicut sapientissimus omnia disposuit, & sicut optimus cuncta conseruat. Attingit enim à fine vsq; ad finem fortiter, & disponit omnia suauiter: Virtutem eius ab alio (sicut nostra dependens videtur) initium sumere penitus negamus. Proinde DEVM sine quantitate magnum,

Sermo
nis ini-
tium.

Sap. 7.

magnum, sine qualitate bonum, sine indigentia Creatorem, sine situ præsentem, sine habitu omnia continentem, sine loco ubiq; totum, sine tempore sempiternum, sine vlla sui mutatione mutabilia facientem, nihilq; patientem, mente proculdubio complecti possumus.

*Eximia
DEI
encomia.*

Propterea huiusmodi Sacri TABERNACVLI BASIS à multiplicitate seiuncta, æternitati autem simul iuncta esse rimatur. VNus est enim Dominus DEVS, fons lucis, Lux vitæ, Naturæ Princeps, Pater gratiæ, & Rex Gloriæ. Non plures Dij, vt prophanæ vetustorum turbæ falso quondam somniarunt, aduersus quos Diuinus Vates ait: Omnes Dij gentium dæmonia. Est itaq; in DEO vera vnitas propter simplicitatem, immutabilitatem, & singularitatem, nec non propter vnitatis creatæ similitudinem: Nam sicut vnitas à nullo descendit, & omnis pluralitas ab eo defluit, sic DEVS à nullo, & omnia ab ipso. Quarè non solum summum, primum ipsiq; esse, verum etiam primam, summam, ipsamq; uitam, summumque bonum solum DEVM asserere non ambigimus. Cuius Vsa (cùm ipse solum habeat uerè esse) si nostrum esse comparetur, tuebimur non esse: Quarè formarum causam, & primam omnium causam super quam nulla omninò passio probabi potest, eum esse non inficiabimur. Vnde NYMEN esse credi par est, æternum, immensum, neq; genitum, neq; unquam interiturum, cuius extra indagare nec hominis interest, nec mentis humanæ coniectura capit. Itaq; irridendum non est, si olim uolentes in eum Philosophari locustarum instar quàm primum euauerunt & eorum animos eius speculatio mirum in modum agitauit. Quarè neq; adepti sunt id, quod uolebant, & operam simul, atq; industriam perdiderunt, quia ueritas, hoc est summi DEI archanum, qui fecit omnia, ingenio, ac proprijs non potest sensibus comprehendi. Alioqui nihil inter DEVM, hominemq;

*Quorundam
dam
la-
psus.
Psal. 95.*

*...
...
...*

*Irriti
co-
natus hu-
mani si-
ne DEO.*

distaret, si consilia & dispositiones illius Maiestatis æternæ cogitatio assequeretur humanâ. Ipse namquæ est totus in toto, imò uerò ipse totum, extrâ & intra se cuncta complectens, idemq; rerum Naturæ opus, atque rerum ipsa Natura: Furor itaq; est eius mensuram animo agitare uelle, atque prodere audere, cum omnium substantiarum sit ipse mensura. Vndè quòd omnia sibi expensa, & accepta ferantur, & uniuersa in rerum ratione solus utranque paginam faciat, satis est existimare. Qui talis ac tanti uigoris est, ut profligata relaxare, defunctos ad uitam reuocare, & omnia possit quæ contradictionem non implicant. Quare mentis humanæ acies inualida in tam excellenti luce nō figitur nisi per iustitiam fidei emundetur. Rerum cunctarum origo est, primus Motor à quo omnis motus, qui sicut optimus Artifex Cœlo leges, Radios Soli, Cornua Lunæ, Mari Fluxum, Stabilitatem Terræ præcipuo rerum Naturæ solatio, non sine ingenti hominum stupore condonauit. Qui non partibus constat ut corpus, non affectibus distat ut anima, nec formis subsistat, ut omne quòd factum est. Oportet DEVM cuius est & summè cuncta sentire, atque intelligere, nec mori, nec corrumpi, nec mutari posse, nec corpus esse, sed Spiritum omnipotentissimum, mitissimum, optimum, beatissimum fateamur. Et si quòd uerè est, nulli accadat, (ut Arist. lib. 1. Phy. innuere uidetur) eius tamen scientiam ab accidentis Naturæ abducendam esse arbitramur: Propterea vnico eodemq; intuitu omnia sapere & cognoscere assertionem approbare tenemur. Animaduertit primò se ipsum, deinde alia à se, non in se ipsis, sed in se ipso maximè non discurrendo intelligit. Neque etiam (cum sic prauorum iudex atq; punitor) malorum cognitio subterfugit: Quæ etsi distinctè ab eo percipiuntur, efficere tamen ea minimè ualet. Nam DEVS OPT. MAX. (ut celeberr. D. Fulgentij Martyris utar sententiâ) illarum rerum
 quarum

Ingens
 DEI celo-
 situdo.

Maxima
 DEI vis
 in intel-
 ligendo.

3

quarum est ultor, non est author. Quod & Diuinus Vates docuit dicens: Quoniam non DEVS volens iniquitatem tu es. Nec obest Tharsensis Apostoli effatum, dùm inquit: Tradidit illos in reprobum sensum. Totum enim hoc factum fuit in pœnam peccati præcedentis, ut orthodoxè D. THOMAS aduertit, etsi fœtida Caluinistarum ora oppositum eructent. Quare summopere admirabilis & incomprehensibilis est hæc BASIS.

Psal. 5.

Rom. 1.

Caluinistarū lapsus.

LONGITVDO TABERNACVLI.

HVIVS itaq; Regij & imperuestigabilis TABERNACVLI LONGITVDINEM sub Diuinæ Bonitatis proceritate, quæ præclarissimè in tanta rerum omnium creatione atq; uarietate conijcitur, facilimè speculari ualebimus. Bonitas namq; Diuina tanta est, quanta maxima potest esse: Ea enim ex nihilo DEVS, cuncta uno die indistinctè creauit, altero ornatu pulcherimo formauit atque distinxit. Regimen quoq; cunctarum rerum, curamq; non modò uniuersam, uerùm etiam & particularem gerens: Crocitant hic Epicurei, & ex Auerroistis nonnulli, scit enim clementia inexhausta omnia moderare & conseruare nunquàm stomachatur. A quo uno, cuius unius à uoluntate omnia erumpunt, cuius potestas uniuersa complectitur, quem omnia uerentur, omnibusque intimè inest, cuius duntaxat proprium est creare. Quare iure optimo rerum omnium Creatorem, Conseruatorem, primumq; & immediatum essendi principium unicuiq; appellare licebit. Solus itaq; DEVS OPT. MAX. hunc excelsum, luculentum, & exculturum Cœli circulum (quod huius mundani terrenique laris laquear existimari debet) mirificè contextuit in tempore. Ortus postea, & Occasus, Accessus, & Recessus, Motus; & Lumina, Virtutes, & Influentias, Ordinemq; Astris unus. ipsi ipse impartiuit.

Epicureon aliorumq; lapsus.

*Mirabi-
lis DE I
Omnipo-
tentia in
creatio-
ne mani-
festatur.
Sap. 1.*

partiuit . Hinc Cœlorum Motores Orbibus collocasse
perspicimus , qui tam indefessè mouent, vt Cœlum a mo-
tu posse cessare sola fide teneatur . Deinde spiritalem,
corporatamque Naturam , & vtranq; simul ab eo condi-
tam esse affirmamus . Qui enim viuit in æternum , creauit
omnia simul . Angelos verò , qui substantiæ intellectua-
les sunt , semper mobiles , arbitrio liberæ , incorporatæ ;
Deo ministrantes , immortalitatem suscipientes secundū
gratiam non autem Naturam , quos alio nomine sacra
scriptura Astra matutina appellat in loco supremo , Cœ-
loque Empyreo tanquàm partes vniuersi præstantiores
concreari decuit . Inest ipsis essentiæ subtilitas , intelli-
gentiæ perspicuitas , liberi arbitrij facultas , agilitatis ve-
locitas . Quos etsi naturali perfectione decoratos defen-
damus , in primo tamen creationis suæ instanti mereri mi-
nimè potuerunt . Quos quidem ad nos mitti , & missos
fuisse , & in assumpto corpore nobiscum pro nostra instru-
ctione conuersari posse Theologorum nullus ambigit .
Verùm de inferioribus ordinibus plerunque mitti solent ,
& si quandoque pro grauioribus negotijs de superioribus
mittantur , qui sunt Spiritus potentes , gloriosi , beati , in
personis distincti , dispositi in dignitate , ab initio stantes
in ordine suo , perfecti in proprio genere , immortalitate
perpetui , mente puri , affectu benigni , religionè pij , vna-
nimitate indiuisi , pace securi , & obsequijs dediti . Prom-
ptè omnes obediunt , maiores sine elatione præsumunt , mi-
nores qui mittuntur sine vitio parent , & qui ad exteriora
exiunt à beata contemplatione sanè nunquàm desistunt .
Nec vnquàm Angelos malos (vt insipienter Manichæi si-
bi persuaserunt) sed omnes bonos conditos esse statui-
mus . Deliquerunt autem miserè sua culpa nimirum
de sese præsumentes aliqui , & idèò mali , & dæmones facti
sunt . Quare manifestum euadit Luciferum in primo in-
stanti non apostatasse , verùm suæ petulantix pondere de
Cœlo

*Angelo-
rum condi-
tio qua-
lis .*

Cœlo Empyreo, vbi decoris præstantia erat alijs multò
 eminentior, quosdam suæ prauitatis consortes in hunc ca-
 liginosum aerem, quosdam alios in Infernum, in quo ipse
 semper affixus inhabitat in tertio instanti detruxisse. Ita
 enim Draconem tertiam Stellarum partem de Cœlo ca-
 dentem sua cauda traxisse Reuelationum Author uatici- *Apoc. 12.*
 natus est. Scelere autem perpetrato hæc in dæmone per-
 manserunt, sceleris obstinatio, ita ut reuerti ad gratiam
 amplius nequeat, D. Gregorio relatore dum ait: Quod
 in Angelis fecit lapsus, hoc in hominibus extrema faciet
 mors. Permanfit insuper inordinata prædominandi libi-
 do, & eius superbia semper ascendens. Quarè boni pec-
 care nequeunt, mali uerò rectam voluntatem habere.
 seu benè velle minimè valent. Sicut inter Angelos bo-
 nos alij alijs præsumt, ita & inter malos alij alijs sunt præ-
 lati, & alij alijs subiecti. Quarè quandiu terrarum Or-
 bis permanserit, Angeli Angelis, Dæmones Dæmoni-
 bus, homines hominibus præsidebunt: Hoc enim & vni-
 uersi ordo, & iustorum corona exigit. Dæmones mira-
 cula facere minimè possunt, & multò minùs Antichri-
 stus cum uenerit, ea agere valebit cum suis sectatoribus
 atq; sectarijs. Amplius Dæmones quandoq; imò sæpif-
 simè corpora assumunt, in quibus nonnulla opera vitalia
 DEO OPT. MAX. annuente exercere possunt. Con-
 flauit etiam ipse Naturæ Sator & Opifex hominem etiam
 de limo Terræ, quem ADAM vocauit, hoc est terrigen-
 nam, quoniam de terra desumptus est, quæ allusio futu-
 ræ præuaricationis specimen præ se ferebat, quoniam
 pulvis iuxta id quod scriptura dicit in terram reuersura
 erat; Palmo mensus est terram & fecit hominem di limo
 terræ. Quem ex altera parte ad eius imaginem & simi- *Esa. 40.*
 litudinem secundum animam præstantissimè configura-
 uit. Quarè maxima & suprema est animarum dignitas
 (D. Hieronymo relatore) vt una quæquæ ex propriæ na-
 tiuitatis

Heb. 1. tiuitatis ortu in sui custodiam Angelum delegatum ha-
 beat, ut orthodoxè Ecclesiarum Magister Apostolus do-
 cuit: Omnes sunt administratorij Spiritus in mysteri-
 um missi propter eos qui hæreditatem capiunt salutis.
 Quarè firmissimè statuendum est magnum miraculum
 esse hominem, & nihil in hac quasi mundana scena spe-
 ctari homine admirabilius. Iurè itaq; meritò in sacris li-
 teris, nunc omnis carnis, nunc omnis creature appella-
 tione designatur, quando se ipsum ipse in omnem carnis
 faciem, in omnis creature ingenium effingit, fabricat,
 & trāsformat, ita vt Protheus & Mundi Monstrum sit ap-
 pellatus. Mox verò **DOMINVS DEVS** in Paradiso vo-
 luptatis vt operaretur, & custodiret illam, cæterisq; ani-
 mantibus homo præesset illum collocavit, ad quod mu-
 nus rerum omnium scientiam habere congruit. Explo-
 ratum enim habebat quid **DEO**, quid sibi; quid coni-
 ugi præstare debuisset. Sed proh dolor sua culpa mise-
 rimè lapsus est, & ad eam miseriam deuenit, vt cum Re-
 ge Chaldeorum bestiis inferuire coactus sit. Verùm ea
 quæ Naturali lumine assequi possunt, sibi cuncta cognita
 fuere. Quæ verò nonnisi supernaturali quantum ei opus
 erat. **DEVS** enim **OPT. MAX.** tanta fide ipsum orna-
 uit, tanta spe ipsum muniuit, tanta charitate ipsum uesti-
 uit, ea prudentia decorauit, ea temperantia cinxit, ea for-
 titudine vallauit, ea iustitia insigniuit, quòd si in altissimis
 illis subselijs in quibus erat ipse constitutus stetisset, &
 sua culpa non corruisset, mortuus minimè fuisset, & fateri
 oppositum est cum Pelagianis sentire, quod dogma lon-
 ge antehac à Patribus explosum, & velut impium reie-
 ctum fuit. Adamus autem & Eva post peccatum de Pa-
 radiso expulsi sunt, sicut Lucifer de Cælo, & in hac mi-
 serix valle habitantes facti sunt mortales. Nam sicut in
 Cælo est non posse mori, ita in Inferno est semper mori.
 In Mundo medio posse viuere & posse mori. Quarè col-
 ligentes

*Homi-
 nis condi-
 tio prima
 qualis.*

*Pelagij
 lapsus.*

*Gen. 3.
 Is. 4.
 Apocal.
 12.*

līgētes ex his dicimus, quòd dùm homo crexit se supra se cecidit miserè infra se, hoc est, à statu innocentiae & gratiae, in statum culpæ & miseriæ. Mulier verò prima fuit quæ mendatium & perniciosum sanè in Orbem terrarum introduxit, quam nè contristaret Adamus in cloacam errorum miserimè prolapsus est. Verùm hominem in tali statu suæ conceptionis initio originalem culpam contraxisse aduersus venenatas Bucceri, Brentij, Caluini, & reliquorum blasphemias, Catholicorum nemo est, qui ambigat. Quæ sanè culpa etsi pœnalitatum sensilium non per se, sed per accidens causa existat, ad primum tamen Parentem collata personalis, ad posteros verò relata originalis meritò appellatur. Quod sanè originale deliquium peccatorum actualium seminarium, culparum materia, & errorum fornax à D. Gregorio Nisseno iurè meritò appellatur. Quod ni præcessisset, actualia deliquia minimè subsequuta fuissent. Hinc non sine causa risus præcox, & celerimus antè quadragesimum diem nulli exhibetur. Quod mysterium an Theologiam absconditam sapiat Peritorum iudicium inter opponendum expectabo. Quare Actasie humanæ clarissimū indicium esse ex Aegyptiaca Theologia Doctorum nemo est qui ambigat. Natus enim Infans iacet manibus pedibusq; deuinctus, flens atquè plorans. Vitæ namquè principium à flectu ducimus, obstrictiq; membris omnibus abiecti in terram labores innumeros à ploratribus auspicamur. Insuper cùm reliquæ animantes præsidij Naturæ tectæ in lucem prodeant, solum hominem nudum, & rebus omnibus inopem cernimus, atquè miserabiliter impeditum, in vitæ primordiò uagientem, statusq; sui miseriam in ipso statim initio miserimè lamentantem, quia ab Adamo descendit. Tristetur itaq; humana Natura, lugeatq; casum suum, lugendo enim per DEUM Filium acclamando consolidabitur dicens: O foelix culpa quæ talem ac tantum meruit

Bucceri,
Brentij,
Caluini,
& aliorū
lapsus.

Hominis
status
post peccatū
qualis.

B habere

habere Redemptorem. Et hæc de TABERNACVLI LONGITVDINE dicta sufficiant, in qua me omnia myste-
ria Aegyptiorum ad eorum Theologiam spectantia de-
claraturum polliceor, (etsi innumera sint) si quispiam
postulabit & velit audire.

TABERNACVLI LATITVDO.

LATITVDO verò Daudici TABERNACVLI in am-
plissima Omnipotentis DEI benignitate summo-
perè delitescit, cuius quidem propagatio eisdem quibus
Solis ortus, & occasus, terminis dilatatur, telluri plani-
cie præstans, extensione frætum exuperans, ac tandem
Coelum latitudine complicans. Eius namq; erga homines
amore, ac misericordia, dùm medium silentium tenerent
omnia, & nox in suo cursu iter perageret, omnipotens
sermo suus de Regalibus sedibus in hæc infima hospitia
transiliuit, vbi nostro humano habitu Spiritus sancti ope
indutus, vt alter nostrum est homo inuentus. Neq; hoc
mirum alicui videri debet, nam genus humanum lapsum
ad verum beatitudinis finem cognoscendum, & prose-
quendum ex se erigi minimè poterat, originali naturaliq;
morbo ægrotans, ut Tharsensis Apostolus docet, dùm in-
quit: Eramus natura filij iræ. Quod longè antea Diuinus
Vates prædixerat dicens: Ecce enim in iniquitatibus
conceptus sum, & in peccatis concepit me mater mea.
Ita vt antequàm nascamur contagione maculemur. Qui
morbus ab Adamo infausto progenitore nostro ad vlti-
mam sui prolem amplè lateq; diffunditur. Nemo enim
mundus à sorde, nec infans cuius unius dici vita est su-
per terram. Eò factum est ut omnes CHRISTO IESV
Domino Nostro cunctorum Reparatore, & Redemptore
indigerent. Vt igitur conueniens & necessarium erat,
VERVM CARO FACTVM EST. DEVS enim verè
factus

Eph. 2.

Psal. 50.

Joan. 1.

factus est homo, ut homo fieret **DEVS**. Congruum enim magis fuit secundam in Trinitate personam Naturæ humanæ vniri quàm aliam, ut quo condita sunt cuncta, eodem essent reparata principio, sicq; noctem tenebris errorum omnium profugatis Verbum ipsum diem reparationis nobis splendidissimum reddidit. Latetur itaq; humana Natura quæ talem ac tātum meruit habere Redemptorem. Ipsum verò Verbum Diuinum, verum & reale corpus humanum, phantasticū uerò nequaquàm habuisse, aduersus Manichæorum sententiam firmissimè asseruamus. Neq; Animam Corporis **CHRISTI**, sensu atq; intellectu caruisse scelesto Apollinaris iudicio sentimus. Neque etiam cœleste Corpus & carnem sine Anima cum nefaria Arrianorum conspiratione assumpsisse machinabimur. Verum orthodoxè fatemur quicquid plantauit **DEVS** in Natura nostra Verbum assumpsit, præter indecentiam & peccatum. Verum si Adamus non esset in peccati Labyrinthum collapsus, Filius **DEI** (ut Tharsensis Apostolus ait) non esset carne humana inuolutus. Vndè lucidissimum est quòd propter humani generis reparationem **VEREVM CARO FACTVM EST**. Quod quidem **DEI** Verbum ne in hæreticorum errorem incidamus in carnem non esse conuersum affirmamus. Inuertibile est, & immutabile **DEI** Verbum, ut orthodoxè D. Cyrillus Alexandrinus in suis Thesauris concludit. Ipsam uerò carnis nostræ cum Verbi Persona unionem, quam insitionem orthodoxè nonnulli appellarunt, tota Trinitas est operata, & si sola Persona Filij sibi, & ad se carnem hypostaticè uniuerit. Et sicut in Diuinitate una est *Vsa* & tres personæ, ita in **CHRISTO** è conuersò est una Persona & tres substantiæ, ut disertissimè D. Ioannes Damascenus docet, hoc est, Deitas, Anima, & Caro, hoc est, Aeternum, Nouum, & Antiquum: Quoniam Deitas est æterna, Anima est noua, quoniam in assumptione carnis

Manichæorum lapsus.

Apollinaris lapsus.

Arrij lapsus.

1. Tim. 2.

Eunomij lapsus.

creata, Caro verò est antiqua, quoniam ab Adamo propagata. CHRISTVS secundum Naturam Diuinam est genitus, secundum Animam verò creatus, & secundum carnem factus. Quare in ipso duas reales natiuitates & generationes ponimus, secus verò de filiationibus statuimus. Ipsa verò Idiomatum communicatio facta est in concreto, & non in abstracto. Tanta enim est illarum duarum Naturarum vnio, vt si vnum de altero prædices non erres (Patrum tamen censura seruata) factus est itaque DEVS homo, vt homo fieret DEVS. Et hoc est à quo

Illyrici,
& Bren-
sy lapsus. nostrorum temporum Monstra Flacciani & Vbiquitarij, expedire se non valent. Quæ quidem vnio propter tantum & tale Incarnationis mysterium, planè per Angelum Gabriellem BEATÆ MARIAE VIRGINI denuntiari de-

cuit, vt lapsui noua reparatio responderet. Ob id in ea nec voluntatem creaturæ prolem seminasse, nec Naturam tantum germinasse, sed Spiritum Sanctum, Altissimique

Mirabilia sunt
Sacramē
ta cum
Verbum
fit caro.
Luc. 1. virtutem de VIRGINE MARIA Virum propagasse cum D. Anselmo firmissimè tenemus. Quod celebre Sacramentum Paranympus è Cœlo delapsus significauit dicens: Spiritus Sanctus superueniet in te, & virtus Altissimi obumbrabit te, ideoq; quod ex te nascetur Sanctum, vocabitur filius DEI. Fuit enim DEIPERA sine pudore fœcunda, sine grauamine grauida, sine dolore puerpera. Portauit Stella Solem, Palmes Vitæ, Riuus Fontem, Filia Patrem, Creatura Creatorem. Fuit Mater Patris, & Filia Nati. Fuit quoq; prole posterior, contento

Gen. 8. minor, Mater virgo fuit, & cum DEO Filium communem habuit. Maledictionem legis euasit, vbi maledictæ fuerunt Virgines coniugatæ: Virgines quidem, quia non genuerunt, cōiugatæ verò, quia in dolore pepererunt. Sed ytrunq; DEIPERA VIRGO euasit, quia virgo genuit,

& dolorem non sensit: Nam Solis radius non frangit speculum & integritatem Virginis ingressus & egressus

Appositi-
um simile. DEVS

DEI vitare non potuit. Dùm autem hæc fiunt minimè
gentium duo corpora fuere simul, ut perperam defendit
Durandus. Ipsum verò CHRISTI CORPVS de puris-
simis MARIÆ VIRGINIS sanguinibus formatum cer-
tissimè credimus: Quod non solum in conceptionis in-
stanti factum cum D. Gregorio, verum etiam & anima-
tum cum D. Ioanne Damasceno, & à Verbo assumptum
cum Hæreticorum Malleo D. Augustino & credimus &
affirmamus. Ipse autem Dominus per Incarnationem fa-
ctus est seruus, æternus, temporaneus, & inmensus fit
parvulus. Summus fit imus, incòprehensibilis fit localis, &
quodammodò simplex fit concretus. Videtur inuisibilis,
palpatur impalpabilis, Immortalis occiditur. Manibus
fœmineis Orbis sator portatur, Panis Angelorum mandu-
catur, Virtus cœlorum infirmatur, & Vita omnium mori-
tur. Et cùm DEVS nec peccet, nec peccare possit, nec
etiam peccandi causa existat, vt perperam blasphemando
Caluinistæ asseuerant. Hinc clarissimum euadit, quòd
CHRISTVS nec peccarit, nec etiam peccare potuerit.
Illos namq; defectus assumpsit, qui gratiæ & lumini glorię
non detrahunt. Quare nè dùm fomes, verum etiam om-
nis inordinata peccandi facultas ab eo penitus est remo-
uenda, quæ si per impossibile adfuisset, nunquàm tamen
peccare potuisset. Ipsum verò CHRISTVM gratiarum
omnium plenum cum Euangelica Hyſtoria in apertum
quoq; referimus, atq; adeò plenum, vt de plenitudine eius
omnes nos acceperimus. Et sicut lex per Moysen data
est, ita gratia & veritas per IESVM CHRISTVM facta
sunt. Et cùm per eum futura salus ad omnium hominum
genus spectaret, omnibus etiam hominum conditionibus
eius natiuitatem manifestari, scilicet Pastoribus, Magis,
Simeoni, & Annæ congruit. Quare nè fidei propagandæ
derogaretur, ortum suum per se ipsum in medium pro-
ferre non decuit: Merito itaq; atq; rationabiliter Magi Re-
ges

Durandi
lapsus.

Caluini
lapsus.

Ioan. I.

*Fausli
Mani-
chæila-
pſus.*

ges ad eū uenerandū humiliter peruenerunt, cui reueren-
tiam, latriæq; honorem exhibuisse solidissime confitemur.
Sed Stellam quæ Magos ad CHRISTVM natum perdu-
xit, etsi de coelestium Stellarum numero semoueamus,
omnino tamen à DEO de nouo creatam affirmamus, non
enim ex Stellis illis erat, ut lux Doctorum, & Ecclesiæ
Catholicæ firmamentum D. Augustinus aduersus Fau-
stum Manichæum increpare videtur, quæ à creaturæ pri-
mordio ordinem suorum itinerum sub Creatoris lege cu-
stodiunt, sed Nouo VIRGINIS Partu nouum Sydus
emicuit. Deniquè CHRISTVM circuncidi octauo æta-
tis suæ die congruum fuit, tum ut partus celaretur diabo-
lo, tum etiam ut incredulis Iudæis occasionem detrahen-
di in ipsum auferret. Ipsum uerò CHRISTVM non sine
magno DEI consilio, hominumquæ stupore, trigesimo
ætatis suæ anno Præcursoris Baptismate baptizari conde-
cens fuit: Qui tactu suæ mundissimæ carnis uim regene-
randi contulit aquis. Fuit autem CHRISTVS tam exi-
miæ magnificentiæ & tam immensæ virtutis, ut quæcunq;
miracula uoluisset, ea propria uirtute facere potuisset. Vn-
dè in Nuptijs aquam in uinum commutauit: Quodlibet
enim Diuina ui in quodlibet conuerti potest. Cæco nato
lumen reddidit; Viduæ Filium de loculo mortuum ad ui-
tam reuocauit: Et Lazarum quatriduanum & foetidum è
monumento egressum Marthæ & Magdalenæ sororibus
restituit. Qua propter de priuatione ad habitum dari ve-
rum regressum garriant, & musitent quantum uolunt Phi-
losophi, pro ueritate defendimus. Quàmplurima uerò
miracula quibus se uerum esse Messiam in lege promissum
aduersus peruicaciam Iudæorum consultò prætereo. Ha-
buit CHRISTVS Dominus præter Diuinam scientiam
eam qua Beati in Patria potiuntur, nam fuit ab instanti
suæ conceptionis uerus comprehensor, cuius quippè Ani-
ma sanctissima semper beata fuit, etsi passibilis esset, quod
ipse

*Immensa
CHRIS-
TI uir-
tus.
Joan. 1.
Joan. 9.
Joan. 12.*

ipse testatur dicens: Tristis est anima mea usq; ad mortē. *Luc. 22.* 63
Et si beatitudo eius ad corpus non redundaret, relatore
D. Chrysostomo in Homil. de Transfiguratione erat ex
dispensatione Diuina, ut in corpore suo passibili, Redem-
ptionis nostræ mysterium adimpleret. Acquisita etiam
scientia illi non defuit, eaq; experimentalis, secundum quā
didicit ex his quæ passus est obedientiam. Cumq; Serua-
tor noster **CHRISTVS IESVS** ad hoc in mundum ue-
nerit ut sua meritorum ubertate, nostram ditaret pauper-
tatem, ideò ipsum & sibi & nobis meruisse consentaneum
erat. Meruit tamen plus nobis quàm sibi, (et si impij Cal-
uinistæ oppositum sentiant.) Quarè ut nos à mortis timo-
re eriperet, peccatoq; mori admoneret, ac nostros animos
ad futuram Resurrectionem pararet, nō modò **CHRISTVM** *Caluini-
stærū la-
psus.*
pati sed etiam ut humanum genus in libertatem uindica-
ret, extremum uitæ Spiritum in Crucem ædere oportuit.
Neq; ob id eius Diuinitatem Animā & Carnem (eo mor-
tuo) deseruisse dicendum est: Quodenim semel assumpsit
nunquàm dimisit. Eius tamen Animam quamdiū ipsius
corpus in sepulchro iacuit, tamdiū in inferiores partes ter-
ræ fuisse absque dubio tenemus. Et quamuis in cineres
quantumcunq; tumulo subesset, redigi nequaquàm po-
tuisset; consentaneum tamen fuit tertia die Dominum
IESVM CHRISTVM à mortuis resurgere. Mortuus est *Rom. 4.*
enim propter delicta nostra, & resurrexit propter iusti-
ficationem nostram. Cuius Resurrectionem non modò
corporum nostrorum, uerum etiam & animarum causam
fuisse fidelissimè cum Apostolo dicente credimus. Qui
suscitauit **IESVM CHRISTVM** à mortuis uiuificabit &
mortalia corpora uestra propter inhabitantem Spiritum
eius in uobis. Qui tandem ad dexteram **DEI** Patris *Rom. 6.*
Omnipotentis sedens, uiuit & regnat in sæculorum sæcu-
la, Amen.

PER,

SVPER huius autem PRAECIOSISSIMI TABERNACVLI excelsum & eleuatum solium tres Sanctissimæ Trinitatis Personæ, non Trina profectò Vñs, vt viperina Arrianorum guttura eructarunt, sed vna, relationibus personarum vtpotè distincta sunt residentes. Est enim DEVS in Thronis vt Maiestas, in Cherubin ut Veritas, in Seraphin vt Charitas, per quæ notatur personarum Trinitas. Nonnè admirabiles etiam & ineffabiles sunt eius habitatores? Quid etenim admirabilius Patre? Et quid eius Filio ineffabilius? Quidvè tandem Diuinius ueriusq; Spiritu Sancto? Cognoscitur enim in Theologico hoc TABERNACVLO eximia ipsa Personarum Trinitas gemino cognoscēdi modo, quorum unus est per uestigiū, alter uerò per imaginē, hic propinquus, alter uerò remotus. Qui desumitur à uestigio, ita declarāt, sicut enim per uestigij impressionem in corpore cēdente relictam, in prætereuntis animalis cognitionem deuenimus, ita quemlibet effectum contemplantes, uestigium Trinitatis habebimus. Cognoscitur enim in magnitudine creaturarum Potentia Patris, in dispositione Sapientia Filij, & in ornatu Bonitas Spiritus Sancti. Alter uerò ab imagine desumitur in sola Natura intelligenti existente, nec in ea uniuersa, sed in ea ubi Mens portione uiget, nec in ea scorsum, sed cum suis facultatibus considerata, nec in ijs ociantibus, sed operantibus. Vestigium rei partem, non totum ostendit. In Diuinis totius & partis nomina abhorremus. Imaginem ynica habet hypostasis, sed tres hypostases faciunt Trinitatem. Quare si aliqua Imago Trinitatem sit relatura, his constabit conditionibus, HOMOVIA siue consubstantialitate, distinctione & ordine. Propter primam Diuinam non dilaniabimus Naturam. Est enim una non trina Deitas, quam tres concomitantur proprietates, ve-

ritas,

*Appositi-
uū simile.*

*Multi-
plex mo-
dis co-
gnosce-
di Trini-
tatem.*

ritas, simplicitas, ab omni motu immunitas, cum nec generetur, nec generet, nec augeatur, nec minuatur, nec alteretur, nec loco dimetiatur, sed immensa manens intra cōfinia nullius generis contineatur. Omnia repleat.

Iupiter est quodcūq; uides, quodcūq; mouetur.

Louis omnia plena.

Sphœra intellectualis cuius cētrum ubiq̃ue est, circumferentia nusquā? Per alteram conditionē hypostasēs multiplicamus; Per tertiam Diuinarum operationum series nobis innotescit; Vnde Pater præcedit, quē producit, & non producit. Subsequitur Filius, qui producit & producit. Tertius est Diuinum Flamen, quod producit, & non producit. Ob quas res alterum altero minimē imperfectiorem suspicamur, sed in Potentia, Maiestate, & Gloria cōfitemur æquales. Ipsa uerò Diuina Nomina tripartita sunt, alia communia tantum, alia propria tantum, alia partim communia, & partim propria. Et hæc dicta sint internatū actionū habita ratione. Nam si ad externas respiciamus, nullum habebimus proprium nomen. Sicut enim creationē soli Patri nō debemus ascribere, nec recreationē soli Filio, nec solamen soli Spiritui Sancto, sed tres simul Dominum Nostrium, salutē nostram, refugium nostrum, laborum nostrorum mercedem, & fœlicitatem confiteri tenemur.

*Summa
fidei christi-
stiane.*

DEVS Pater, DEVS Filius, DEVS Spiritus Sanctus; nec perindē tres Dij, sed vnus est DEVS, ut orthodoxē D. Athanasius in suo Symbolo vaticinatus est. Quare ineffabilis est actio DEI intranea, quæ vna & indiuidua Natura Tribus personis comunicatur, re ipsa intes se, & ab essentia sola ratione distinctis. Quæ ita hoc Ternario gaudet, ut nulla ui fusiùs explicari possit, nec pressus cōhiberi. Sunt enim duæ processiones in Diuinis, Verbum ab ingenito Patre semper emanat, & ab utroq; Spiritus Sanctus, Tertia in Trinitate persona, tanquā ab vna communi utriusque virtute per uoluntatis modum, necessarioquē producit. Est itaq; vnica amborum spiratio, quæ sicut non constituunt

270222

C tur,

tur, ita nec disseparantur. Altera rectè à Theologis generationis nomine explicatur, cum sit per modum Naturæ. Est enim origo quædam uiuentis à uiuente, secundum eiusdem Naturæ similitudinem & per intellectum, vt **THEOLOGVS** per Antonomasiam dictus orthodoxè fassus est, quod etiam **D. Cyrillus Alexandrinus** aduersus **Iulianum** summa cum dexteritate concludit. Altera spiratio nuncupatur quæ & à Patre & à Filio est. Actus Essentiales si absolutè consideremus Notionalibus priores sunt, in persona uerò nequaquam eos præcedunt, nec è contrà, uerum simul omnino & re, & ratione eliciuntur & sunt. Diuinæ personæ se totis minimè distinguuntur, nec per modos seu res absolutas (vt fassi sunt nonnulli) sed proprietatibus relatiuis ut relatiuæ sunt. Nullam temporis aut Naturæ prioritatem in hac effabili Personarum Diuinarum Trinitate admittimus. Quod Sacramentum adeò est absconditum ut nulla ualeat ratione humana indagari. Non implicare tamen dicimus, hominem adhuc mortalem ad clarissimam Diuinitatis uisionem prouchi, sicut credimus Hebræorum signifero Moyse, & Tharsensi Apostolo collatam fuisse. Quare intellectus noster ex se nihil aliud de Diuinis personis percipit, quam id quod sibi per effecta manifestatur, dicente Apostolo: Inuisibilia enim ipsius à creatura Mundi per ea quæ facta sunt intellecta conspiciuntur. Ipsa uerò creatura rationis composita in beatitudinem Naturali quadam appetitione fertur, quæ & in intellectu & in uoluntate consistit, qua omnibus Tribus Personis necessario fruimur. Sunt autem Tres ipsæ personæ Diuinæ Pater, Filius, & Spiritus Sanctus quos non operibus indiuisos ad extra, uoluntate concordēs, omnipotentia pares, & amplitudine æquales confitemur. Et quamuis Filium à Patre, & ab utroq; Spiritum Sanctum procedere asseramus, non ob id Pater Filio, neq; Filius & Pater Spiritu Sancto priores: Sed æternus Pater, æternus Filius, & æternus Spiritus sanctus. Quare nō immensitatis pluralitate, Immensus Pater, Immensus Filius, Immensus Spiritus Sanctus;

*Iuliani
Apostata
& lapsus.*

*Aureoli
lapsus.*

Rom. 1.

Sanctus : Nec æternitatis Trinitate æternus Pater, æternus Filius, æternus Spiritus Sanctus à D. Athanasio carmine Symbolico personatur, sed unus æternus, unus immensus, & unus omnipotens. Quare Filium Patri ab æterno secundum Diuinitatem connectamus oportet, quod tamen impij Donatistæ sæuissimè negarunt. Qui lucis æternæ candor existens, atq; diuinæ Maiestatis sine labe speculum, non ex tempore (ut Arriani euomere non erubuerunt) sed est ab æterno à Patre genitus, & ab eodem non per modum artis, sed Naturæ progrediens. Quare Patri cum Filio, & Filio cum patre semper omninò licuit esse. Postea etsi Pater de eiusdem Vsa Filium uera & uniuoca generatione produxerit, sibi in omnibus & per omnia æqualem, cui Eunomiani fidem ahibere, admodum ineptè & crassè abnegarunt, in quo errore Stancarus & Antetrinitarij nostris hisce miserrimis temporibus satis deperditè prolapsi sunt. Nec quisquā mihi obijciat in hoc & in cæteris dogmatibus hodiè quàm plurimos ex Catholicis ad hæreticos accedere, ex sectarijs verò exiguos sanè ad Catholicos conuolare. Venit mihi in mentem argutum illud Agefilai Philosophi dictum, ex quo cum quæreretur, cur quàm plurimi ab Academia ad Epicurum desciscerent, ualdè pauci resilirent, peracutè respondit, ex uiris Eunuchos gigni posse, ex Eunuchis autem Viros nequaquàm solère. Sic à sapientia in erroris puteum leues homines faciliè præcipites feruntur, sed ab errore in uiam redire, & gradum pedemq; reuocare ijs dumtaxat concessum est.

Donatistarum lapsus.

Eunomij lapsus. Stancari, & Antetrinitariorum lapsus.

Eruditissimè esatum.

Quos æquus amauit
Iupiter, aut ardens euexit ad ætera uirtus.

Quare etsi qualibet Diuina Persona uerè sit DEVS, non tamen Tres Dij dicuntur, sed unus Dominus & unus DEVS: Vniuersa enim tranquillitas, suauissimūq; ordo Principem unum ex postulat: Quod nequaquàm Aristotilè latuit lib. Diuin. 12. dùm dixit: Haudquaquàm Principum pluralitatem bonam esse. Vna itaq; est hæc fecundissima Natura

simpliciter & absolute prima, realis, per se existens, actualissima, simplicissima, immensus pelagus continens cunctas perfectiones, quæ ab ipsa Diuina Natura distinctæ sunt.

Ioan. 10. Quare non asserimus se DEVM, nec alium DEVM, sed aliam personam Diuinam orthodoxè & generare & spirare fatemur. Sic enim DEVM de DEO, Lumen de Lumine, DEVM verum de DEO vero in Apostolico Symbolo auribus oculisq; decantare percipitur atq; videtur. Et quâuis Filius non sit aliud à Patre, cum ipse de se dicat: Ego & Pater vnum sumus. Alius tamen orthodoxè asseritur & affirmatur. Ceterum in hoc Sacrosanctæ Trinitatis Mystério, à qua opera ad extra cuncta redundare autumamus, nihil prius aut posterius, nihil maius aut minus, sed totæ Tres Personæ coæternæ sunt & coæquales. Quare Patri nullam aut Naturæ, aut Temporis prioritatem attribuimus, quapropter Patrem nedum totius Deitatis & Diuinitatis, sed etiam filij principium statuimus. Esse autem genitum ita à Spiritu Sancto negamus, ut non ob id ipsum propriè ingentum appellemus, sed propriè dicitur Amor Patris, Filiq; Nexus. Quare colligentes ea quæ dicta sunt, si tam altissimorum mysteriorum abdita pandere est impossibile (vt D. exclamât Ambrosius) mirum non est, si omnis Ingenij vis in eorum consideratione deficiat, mens hominū obtenebrescat, Angelorum vox quoq; fileat. Itaq; Laus, honor, & gloria DEO PATRI, ET FILIO, SANCTO simul PATRACLETO per æterna sæcula in ora omnium resonet. Amen.

T A B E R N A C V L I I A N V A Q V O

A D E X T E R O S.

OSTIUM verò, per quod in hoc sublime, & egregium TABERNACVLUM ij, qui foris sunt, ingrediuntur, clarissimè baptismatis Sacramentum existit. Nemo enim sine hoc uitam nanciscetur æternam; neq; ipse summo Bonopotietur, quod & ipsa Veritas docuit dicens: Nisi quis renatus

renatus fuerit ex aqua & Spiritu Sancto non potest introire in Regnum DEI. Primum nanq; locum inter cetera Sacramenta quæ humanæ salutis necessaria sunt, & gratiam causant, Baptismus est. Et sicut Eucharistia omnium Sacramentorum, omniumq; Sanctificationum (ut D. Dionysius Arcopagita ait) consumatio est. Ita Baptismus salutis nostræ lahua propatula est, quos sine id totum quod in uita agitur, cum ex fide non sit, peccatum est. Quia necessarius est, ut cum ne dùm Presbyteri, uerùm etiam & laicos, & mulier conferre ualeant. Qui etiam parentibus renuentibus, Iudæorum, uel quorumlibet aliorum Infidelium adultis pueris impartiri potest, Quoniam hæc propatula lahua nemini clauditur, uerùm singulis quibuscunq; semper patere dignoscitur. Et quoniam ab accepta Baptismatis gratia sæpenuerò in peius prolabimur, acceptanq; innocentia uestem nostra culpa miserimè perdimus, Pœnitentia, & reliqua Sacramenta, quæ in numero septemnario ab ipso generis humani Redēptore instituta sunt, nobis necessaria sunt, ut sauciatos lethali Adami vulnere, Samaritæ CHRISTI oleo & Vino cicatricibus impositis curet atq; ad meliores fruges reducat. Quare necessariò aduersus foetida Sectariorum ora Indulgentiarum thesaurum in Ecclesia sua reliquit, quia Dominica passione ueluti ab effectiua sufficientissimaq; causa uim suam recipit, & cum ab infinito emanet, indeficiens est. Indulgentia uero est pœnæ satisfactoriæ relaxatio, non secùs ac si unus ut potest, pro alio satisfaceret, si tria adsint requisita, nempe in dante autoritas, causa pia & iusta pro qua datur, & in recipiente gratia, præterquam nulla alia dispositione eget. Indulgentias uerò conferre, est pro peccatis soluere, quæ etiam plenissimè pro subsidio temporaneo dari potest. Eiusmodi summa largitio à SUMMO tantum PONTIFICI, aliqua uerò non plenaria etiam ab Episcopis, Archiepiscopis, Patriarchis, Nuntijs, Legatis &c. Et si in peccato mortali existant conferri potest. Sacerdotibus uerò Parochialibus huiusmodi facultas minimè concessa.

Maxima
Baptismi
tis necessitas.

Sectariorum lapsus.

Indulgentia quid.

cessa est. Indulgentiam, qui non facit id pro quo datur, nequaquam consequitur : Sicut nec in peccato mortali existentes, cum charitate exuti de peccatis ante confessis satisfacere nequeant. Defunctis uero in Purgatorio degentibus summoperè necessarias esse asseueramus, cum pro ualdè bonis sint gratiarum actiones, & pro nō ualdè bonis propitiations, & pro ualdè malis, etsi nulla sint adiumenta mortuorum, sunt tamen qualescunq; uiuorum consolationes. Has qui negligunt reprobi sunt, qui contemnunt temerarij, qui negant ab Ecclesiæ gremio sunt propulsandi. A qua quicumquē fuerit separatus relatore D. Augustinō etsi laudabiliter se uiuere existimet, hoc solo scelere quoniam à CHRISTI Ecclesia seiunctus est, ira DEI manet super eum, nec habebit DEVM Patrem, qui Ecclesiam noluit habere Matrem. Ipsam uerò Baptismatis lanuam ingredientibus postea, quamplures certò & admodum spectabiles figuræ, imaginesq; se se obijciuntur: Inter quas maximè uidetur esse proprię resurrectionis imago; quæ quidem omnium uniuersè erit, sed non omnium in melius (ut

I. Cor. ij. Apost. ait.) Omnes quidem resurgemus, sed non omnes immutabimur. Quæ (ut idem Doctor asserit) fiet in ictu oculi, in momento, in nouissima tuba: Et tandē in uniuersali Iudicio quod fiet in Valle Iosaphat, ante Maximum Iudicem, omnes & singuli comparebimus, nostræ uillicationis rationes reddentes: Et qui bona egerunt ibunt in uitam æternam, qui uerò mala egerunt, ibunt in resurrectionem

Joan. 5. Iudicij. In hac itaq; tam euidenti apertissimaq; ueritate, quid dicent miserimi nostrorum temporum Sectarij perperam asserentes: Bona opera nostra plus nobis obesse ad salutem, quàm prodesse, cum tandem de bonis & malis operibus rationem reddituri simus, ut ipsa Saluatoris Nostri Doctrina instructi sumus. Ipsa uerò Vita æterna in DEI

Sectariorum lapsus.

Matth. 25.

OPT. MAX. fruitione posita erit, in qua omnis Naturæ vis explebitur. Quæ in tota Anima consistet, cum ipsa per se beari debeat, quæ an prius in Intellectu, quàm in uoluntate consistat

constitui, quæstio inter D. THOMAM, & Scotum est de uocibus & non de re ipsa, inter quos concordiam moliar dum respondebo. Damna uerò Sanctorum gloriam ad suam ipsorum confusionem, ut magè torqueantur uidebunt. Et ecce hic abyssus multa uidetur offerri. Quare si posthac ulterius incedere & introire tentabimus, exitum ob nostram imbecillem Naturam non reperiemus. Quare ut sympathia & allusio Dauidici TABERNACULI Theologico hoc nostro accommodetur, ad Columnas tam mirifici TABERNACULI regrediamur.

FACULTATVM OMNIVM, SCIENTIARVM QVE' COLUMNAE PRO THEOLOGICO TABERNACVLO MVNIENDO, ET FVLCIENDO STATVVTVR ET ORDINANTVR.

QUONIAM autem admirabile TABERNACVLVM Dauidicum nonnullis Columnis impositum residebat, pulcherima sanè allusione nostræ Theologiæ specimen præsefert, quippè quæ varijs, diuersisq; scientijs & facultatibus, tâquâ columnis superposita, mittat ancillas suas uocare ad Arcem. Adiuvat mirumin modum Theologiam uniuersa Philosophia, quæ à DEO OPTIMO MAX. nobis donata est. Et quæcunq; in Philosophorum uoluminibus ueritati Theologiæ minimè consentire videntur, non ad Philosophiam, sed ad Philosophicam commentationem pertinere putanda sunt. Sciunt enim omnes quàm longo inter se distent interuallo tùm Philosophia, tùm Philosophica commentatio. Quæcunque uerò in eisdem consona reperientur, non tanquàm gentilia, sed tanquàm nostra, à Gentilibus sunt arripienda, ut Israelitarum more spoliata Aegypto in nostras oras, aurea, & argentea uasa asportemus. Philosophiæ uerò tanta est utilitas, ut non solum artibus illis quibus corpus tuemur, principia tribuat, sed ani-

Naturalis Philosophiæ comicum.

mi

mi vires mirificè iuuet. Quis enim Vniuersi præcipuas partes sibi inuicem cedere, Geometricam inter se seruare proportionem respiciens iustitiam & Acquitatem hō amabit? Quis enim uoluptatem non esse magni ponderis bonum, uerū accessiōem quandam à Physica Auscultatione didicerit, Temperantiam non amplectetur? Quis tam æquo & forti animo erit, qui paucis Naturam contentam, abunde; omnibus communicare prospiciens, liberalis & prudens non euadet? Habet peculiare proprium hoc maximum emolumentum, nam ad separabilem Diuinarumq; Mentium cognitionem nos ducit, cui inhesere Plato & Aristoteles dum à Naturalis motus æternitate, illius qui hunc motum efficit, æternitatem conclusere infinitatem, atque virtutem. Vnde Diuinum cultum ascendit, & in illius amorem rapit mentem atq; inflammat. Dum in illius specimen & admirationem nos ducit, qui cuncta ex nihilo efficere potest. Quam admirationem Fides & Spes circa eundem constantes consequuntur. Hinc clarissimum euadit, quod Naturalis Philosophia solum inter mobilia interijcitur: In qua per se duo tantum rerum Naturalium principia collocamus. Et hæc sunt ingenerabilia & incorruptibilia, nec ex alijs nec ex alterutris, omnia tamen ex ipsis. Materia uero prima, quam Philosophorum Princeps Hellen, Græci Chaos, Catholici Abyssum, alij formarum Panspermion, & Plato Pandochen non absq; ratione nuncuparunt, actum suę præsentie habet, quem Scotistæ id ab Henrico Gandauensi mutuant, entitatum dixerunt, qui ex ea est, & non à forma, quoniam se ipsa est ens, & ingenerabilis & incorruptibilis. Et quamuis in hoc D. THOMAS & Scotus uerbis dissentire uideantur, in re autem sunt concordēs. Ipsa uero forma est magis ens quam Materia, & eadem ratione est magis ens quam concretum. Ipsa autem Anima cum sit principium quo uiuimus, intelligimus, mouemur & sumus. Cur liber de Anima ad Naturalem Theoriam non pertinebit? Quæ omnium scientiarum, una duntaxat Sacra Theologia exte-

pta,

D. Thomas, & Scoti concordia.

13
168
pta, præstantissima est. Dicant quicquid uelint alij, quicunq; uim ratiocinij Aristotelici ad lapidem Lydium non probarunt. Quare solemnem præstabilemq; Philosophiæ Naturalis Columnam cum ipsa Aristotelis sententia super firmam Entis Naturalis sedem stabilimus.

PROPIVS tamen ad Diuinam Sacramquè Theologiam Metaphysica accedit, cui quicunq; addictus est, coelos cum libuerit conscendit, nec solas Animas coelestium Orbium contemplatur, sed ulterius progrediens, oculos in eius Diuinissimum intuitum figit, qui uirtute illas exuperans immensa materiei immunitate cognoscendi præstantia, intelligente uita uiuit, & stabilis manens, omnia alia à se, ad sui desiderium allecta continuo exagitat, & ex alta specula supremæ Sphæræ (ubi præsertim residet) prospiciens sine discursu cuncta intuetur, in se ipso existens, non tamen extra se ipsum existentia, omnibus cauet, & prouidet, & nihil fieri vnquam permittit, cui celerimè opitulaturus non adsit. Indè DEVS dictus, impatiens consortis, MONARCHOS, in aeternum regnat, ad quem cum peruenerit Primus Philosophus sistit contemplationem, immensus enim processus excluditur, & interna illius Diuini pectoris, pro humani & hebetis intellectus imbecillitate rimatus, non nisi mortem commentatur, idèd exiguo autem tempore perdurat. Cui altissimæ contemplationi si Theologicum hoc nostrum TABERNACVLUM adiunxeris, ne transuersum quidem unguem à Theologo discrepabit. Primæ autem Philosophiæ Theoria de substantia est, quæ à Materia sensili re & ratione abiuncta est. Quam aduersus Alpharabium non veram & adæquatam Transphysicæ Basim asserimus sed solum Principem. Ipsa uero substantia abiuncta in genere est, cum quodammodo concreta sit, ex sui Natura summæ intelligibilis, cum actus sit ratio intelligendi ipsum quod quid est, tamen ab Intellectu humano magnitudini copulato definitiue non potest intelligi. Rectè enim concludit Aristoteles: Intel-

*Primæ
Phyloso-
phia com-
mèdatio.*

*Primi
Philoso-
phi mu-
nus qua-
le.*

*Alpharabij la-
psus.*

D ctus

Quorum-
dam la-
pſus.

Atus ad ea quæ ſunt omnium Natura maniſeſtiſſima ſe ha-
bet vt oculus Niſitoracis ad diei lumen. Quare ſummo-
perè in Ariſtotilis Philoſophia cæcutire illoſ aſſero, qui di-
cunt Ariſtotilem lib. de Ani. 3. contex 36. dùm inquit:
Nùm autem intellectus non ſeparatus à magnitudine intel-
ligat aliquid abſtractorum, poſteriùs dicendum, attuliſſe in
medium quæſtionem, & non ſoluiffe. Propoſuit enim in
hoc contextu, & ſoluit lib. Diuin. 2. & 9. Nec nobis obest id
quod Ariſt. lib. de Ani. 3. concludit, dùm inquit: Excel-
lens intelligibile perficit Intellectum. Ipſius verò Naturæ
Intelligentis perſpicacitas tâta eſt, vt totum Ens pro obiecto
habeat, & in vniuerſum ipſius ambitum longè lateq; funda-
tur. Et cum primùm maximè Entia in Natura res ſingulæ
ſint (relatore Ariſt. in Categoria de Subſtantia) ipſa verò vni-
uerſalia aut nihil ſint, aut rebus ſingulis poſteriora ex lib. de
Ani. 1. Quare Intellectum propria Intelligentiâ ſingularia
intelligere defendimus. Huius autem Primæ Philoſophiæ
Basis eſt Ens, inquantùm Ens commune. Deo & Creatu-
ris, Enti reali, ſed non rationis, quod analogum eſſe ex Ariſt.
ſtatuiſſus.

Moralis
Philoſo-
phiæ la-
us.

Quorum-
dam la-
pſus.

QUæ dicam de Morali? Hæc tantùm abeſt, vt Theo-
logico hoc noſtro. Tæſternaculo obſit, vt ei ma-
ximè ſit affinis, cùm pro excolendis animis ſit tradita,
vndè rectè cum illis Rebus publ. actum arbitror, in quibus
paſſim hæc ſaluberima Philoſophiæ pars ſubminiſtratur. Ve-
rùm cùm in ea de ſœlicitate agatur, ſœlicitatem abſolutiſ-
ſimum opus eſſe fateri opere præciùm eſt. Quare ijs mini-
mè aſſentiendum eſt, qui à fortuna ortum & cauſam con-
tendunt. Qui verò ſœlicitatem in uoluptate poſitam eſſe fa-
tentur, quadrupedem inter, & hominem intereſſe putant
nihil. Qui verò in fortunis, & honoribus conſtitutam eſſe
uolunt, nimirùm & ipſi falluntur. Quid enim ſœlicitate
constantius? Et quid hominum opinione atq; fortuna falla-
cius? Sunt qui in uirtute eſſe tueantur. Verùm accidit, ut

is

is qui virtute pollet, quandoq; in miserijs & luâu deformis, mendicus, æger degat, & orbatus. Quare ueram foelicitatem in DEO OPT. MAX. constituimus, quæ talis actanta erit, qualem nec oculus viderit, nec auris audierit, nec in cor hominis vsquàm ascenderit. Basim itaq; huius Columnæ hominem benè moratum, & paratum parère præcipienti constituimus. Si quispiam neutrum præster, sciat (relatore Hesiodo) se inutilem fore.

SED ne carpendi studio, magis quàm propositum agere videar, ad Legalem Philosophiam transeo qua nulla melius id quod Theologia exoptat, exequitur; iura Naturæ conseruat, DEO OPT. MAX. nutui præstò est. Dùm vnicuiquè suum tribuendum, nemini nocendum, alienum non rapiendum, pupillos & viduas protegendas profitetur. Cuius artis principia cum huius nostri Theologici TABERNACULI initijs maximè consonant. Quare terquè quaterquè beatos Iurisprudentes esse dico si omnia hæc ad verum & optimum finem dirigere satagent.

Iuris Prudentie dignitas.

MAXIMO sunt vsui Mathematicæ Disciplinæ ab ipsis enim omnis res quæ aliquo modo à Crassitia seiungunt, ad omninò secreta facilis nobis aditus datur. Hinc Gygantum labor apud Poëtas, dùm Pelion Ossæ, & Ossam Pelio superpônunt; Quod nil aliud erat quàm media molis quantitate ad virtutis quantitatem aspirare. Ne omnes enumerem, hoc tantum dicam, sine arte numerandi, quæ Mathematicæ est, admiranda Sacramenta, quæ nunc in binario, nunc in ternario, nunc in septemnario, duodenario, quadragenario & quinquagenario numero includuntur, non intelligimus. Quæ mysteria concinnibus sanè allusionibus cum applicatione ad Theologicum hoc TABERNACULUM nostrum summa cum dexteritate Theologia Aegyptiaca declarat, vt inter respondendum si opus fuerit aduertam. Quare vt omnibus apertissimus detur campus my-

Modestitiam Mathematicæ excellentia.

steria omnia Theologiæ Aegyptiacæ cum allusione ad Sacram Scripturam & Patrum & Conciliorum doctrinam me in medium declaraturum, vt uerissima, pro unica conclusione repono.

*Musica
altitudo -
do.*

MUSICAM pariter multa pro sui cognitione requirunt: Hinc Cœlorum Concentus, Polorum Unio, nem, Angelorum Melodias, satis concinnas & sonoras Pythagoras qui Philosophorum author apud Italos extitit intelligebat. Huius enim laudes olim Theologi Aegyptiaci decantarunt, & ipsius præconia ad ueritatem traduxerunt. Nā ipsi summo cū mysterio Musicam quatuor uocum inueniunt & eam ad uenturum Messiam accommodarunt. Quod mysterium (si ut par est) Hebræi intelligerent quem venturum expectant Messiam, iam dudum aduenisse cognoscerent.

*Herbariū,
Animalium, &
Lapidino
titia valde
salubris est.*

ASPERNANDA non est Herbarum Animalium, & Lapidum cognitio. Qui enim scire possemus, cur Diuinus Vates magis se Hysopo, quàm Ruta aspergi & mundari maluerit? Cur Saluator Noster ab Oue libentius, quàm à Leone docendi sumat occasionem? Cur nunc Leonis, & Columbæ nominibus delectetur, nunc eadem abhorreat? Cur Iaspis & Margaritis in Sacris literis tantifiat. Quæ mysteria clarissimis significationibus abdita Aegyptiorum Theologia perpendit.

*Medicine
seblimitas.*

QUAM PLURIMA sunt, quæ sine Medicorum ope minimè cognoscimus, quæ nunc consultò prætereo, & si interdum quem Medicus moriturum dixerit, eundem superuicturum dicat Theologus, non tamen utriusque iudicium contrarium iudicandum est, quoniam ille proximarum causarum, is verò primæ, quæ DEVS est rationem habebit. Et hæc omnia satis appositè Theologia Aegyptiaca demonstrat.

IN SUPERIORI congressu peroptimè egerunt qui **CABALISTICA** Iudæis reliquerunt. Ego autem dico **CABALAM** purum figmentum esse, præsertim dùm nonnulli fateri nõ erubescunt, **DEVM OPT. MAX.** Hebræorum Signifero in Monte Syna in Arabia duas dedisse Leges, unam in Tabulis lapideis scriptam, alteram uerò in auribus. Hoc totum purum commentum est, parcant mihi Rugerius Bacconitanus & reliqui. Illa uerò quæ pro statuenda **CABALA** ex Libro Esdræ Quarto nonnulli dicunt longè altiorẽ patiuntur Intellectum quem inter disputandum in medium afferam. Nec nobis obest, id quod Tharsensis Apostolus dicit: Quid ergò amplius est Iudæo, aut quæ utilitas circumcisionis. Multum quidem per omnem modum. Primum quidem quoniam credita sunt illis eloquia **DEI**. Non enim de **CABALA** hic statuere disputationem intendebat Apostolus, sed de Hebræorum infidelitate ob quam miserimè à ueritate apostatarunt. Inquit enim Apostolus alibi loquens de Olcastro & de Oliua. Fracti sunt rami ut ego inserar, benè propter incredulitatem, tu autem fides sta, noli altum sapere sed time. Reliqua uerò quæ ex alijs pro statuenda **CABALA** ex Patribus Rugerius Bacconitanus & alij in medium asserre solent, longè alium pati Intellectum ex ijsdem Patribus demonstrabo.

Cabalistarum lapsus.

Rom. 3.

Rom. 11.

DIGNISSIMA sanè est Rationalis Philosophia, quæ Logica appellatur, de cuius præcipua parte, Dyalectica inquam, nunquàm satis dictum est, quæ omnibus necessaria utilis & opportuna est. Hæc sola uerum à falso & falsum à uero discernere, syllogizare, & propositiones, quæ solùm id esse & non esse apud cæteras orationes nobis indicant formare prædocet. Expers itaque Dyalectices **TABERNACVLVM** hoc Theologicum non adeat, nisi fortè plerunq; uelit cum magno sui dedecore mendatium admittere, & renuere ueritatem. Partim quidem conferunt cæteræ artes & scientiæ ad **TABERNACVLVM** Theologicum hoc nostrum, sed

Dyalectices celj-tudo.

Dyalec.

Dyalectica adeò per uniuersam Theologiam est disseminata, vt à D. Augustino sacrarum literarum Nerus dici meruerit. Cauenda tamen sunt sophismata, vitandæ cauillationes, tollenda rixandi libido, uerùm diuidendi, diffinienti, demonstrandi, & componendi usus ad ueritatem peruestigandam in ea traditus summopere est necessarius, quam si scientiam dixerimus cum Doctore Subtili pro ueritate pugnamus. Ab ea enim generis, speciei, differentia, proprii, & accidentis notitiam nanciscimur. Quarè librum Porphyrij nec Logicum esse, nec ad ipsam pertinere uerissimum est. Ipsas uerò decem Categorias ad Logicum spectare & si Andronicus labia contorqueat, ut benè dictum defendimus. Substantia rectè diffinita fuit ab Arist. in Initio talis Categoriae, quæ non intenditur nec remittitur, neq; suscipit magis & minus, neq; habet contrarium. Quarè totius Dyalecticae Basim Enti rationi accommodamus.

*Grammatica proprium.
Rhetoricæ studiū.
Historia temporū
magistra.*

RELIGVÆ sunt Grāmatica sine qua Theologus incōcinnè loquitur. Rethorica sine qua non aptè docebit, non delectabit, non flectet. Primum est utilitatis, alterum suauitatis, postremum uerò uictoriae. Hystoria sine qua fortasse cum grauissimis Viris Saluatorē Nostrum CHRISTVM IESVM ætatis suæ anno quadagesimo falsò crucifixum prædicabit. Poëtica sine qua vndè sit Poëtarum & Baccharum furor ignorabitur. Non enim est à DEO, sed aliundè iuxta Philosophiam aliorum, & aliundè iuxta Theologiam eorum omnium, qui uera prædixerunt ratio est exigenda.

*Marci
Varonis
lapsus.*

PERSTRINGENTES itaq; Theologici TABERNACVLI sectionem, tripartitam illam Marci Varonis diuisionem propulsandam esse ab hoc Theologico TABERNACVLO sustinemus, qua Theologiam in Poëticam Ciuilem & Naturalem distribuit. Cùm prima falsa de Dijs proponat, & ad Theatrum pertineat. Altera in populorum opinione, & cultu diuerso sita sit, & ad vrbes attineat. Tertia Deos Natura reper-

16
reptos prauè doceat, & ad Mundum sit accommodata. At
vera illa est, quam Magnus Dionysius rectam de Deo disci-
rendi rationem & inuestigandi normam affirmauit.

ET Vt tandem huic Theologico TABERNACULO ex-
tremam manum imponam, quæcunq; Ars in hominū *Quid de-
superstitione collocata non fuerit ab hoc mirifico TAER- testadum
NACULO excludenda non est. Quamobrem penitus abhor- homini
remus, detestamur, & execramur, Hydromantiam, Pyro- Christia-
mantiam, Geomantiam, Chyromantiam, & huiusmodiua- no.
ticipatrices Artes, quas omnes cū suis cultoribus suis per-
dat Iuppiter. Astrologiam eatenus admittimus, quatenus
ad summi Opificis DEI OPT. MAX. gloriam attinet, eiq;
soli rerum Sacramenta & archana referuat.*

APPENDICES AD TABERNACVLI
ORNATVM SPECTANTES.

CONTRA MERCVRIVM
TRISMEGISTVM.

DEVM OPT. MAX. quem alio nomine Spœram in-
telligentem HERMES appellauit, lumine Naturali *Mercurij
hominem cognoscere posse, nedum sacri, verum & proph- lapsus.
ni facti sunt Sapientes. Cœcutiuit profectò Mercurius di-
cens. DEVS est id quod est, & quod nullum ex his est.
Insinuans eundem tantum negatiue cognosci.*

CONTRA PYTHAGORAM.

HVMANI Intellectus hebetudo adeò inualuit, ut PY-
THAGORAS qui Philosophorum author apud Italos *Pytha-
existit, fateri non erubuerit Animas hominum post mortem gora la-
reuolui vsquè ad corpora bestiarum. Quam detestandam psus.
Metamorphosim ne dum fides reuinit, verum nec Philoso-
phia*

phia sustinet, cùm membra Leonis non differant à membris Cerui, nisi quia Anima differt ab anima.

CONTRA EPICVREOS.

*Epicuri
lapsus.*

COECVS amor sui quem Græci disertissimè vna voce PHILAVTIA appellarunt, tam altè istorum mentes inuasit, ut fateri non sint veriti, foelicitatem in uoluptate positam esse, quod meherclè detestandum est, cùm nil sit foelicitate præstantius, & nil sit uoluptate turpius atque deformius, per illam enim DEO similes efficimur; per hanc uerò brutescimus & delyramus: Nam quæ quisq; excoluerit, illa addolescent, & fructus suos ferent in illo. Si uegetalia planta fiet. Si sensualia obrutescet. Si rationalia, coeleste euadet animal. Si intellectualia Angelus erit & DEI filius. Quare ualeat hoc Epicureorum figmentum quoniam monstrum est.

CONTRA PLATONEM.

*Platonis
lapsus.*

ID MAXIMè curarunt Veteres ut hominem rectè componerent, & ob id eum & ad se ipsum & ad familiam, & ad Rempubl. ordinarunt, neq; hoc temerè, nam nemo nostrum sibi nascitur. Delyrauit itaque Plato in Libris de Republ. dùm fateri non est ueritus vxores etiam debere esse communes, in quem errorem miserimè Nicolaitæ prolapsi sunt aduersus quos inuehit Reuelationum Author.

CONTRA ARISTOTILEM.

1. Cor.

15.

*Arist. la-
psus.*

ERVDITISSIMè sanè conclusit Apostolus: Si hic tantum sperantes essemus, miserabiliores essemus cunctis animantibus, quare cùm mortale hoc in corruptionem induere debeat, errauit Arist. asserens idem numero non posse resurgere. Nos uerò ne dùm à priuatione ad habitum dari

17

ari uerum regressum affirmamus, sed etiam mortuorum resurrectionem in aliquibus Naturalem esse statuimus.

CONTRA ALEXANDRUM.

INTER Primarios Aristotilis Interpretes Alexandrum Aphrodisensem tenent: Dixit nihilominus, quas primas qualitates appellamus, substantiales Elementorum esse differentias. Verum cum accidens substantiæ differentia esse nequeat, nullatenus formas substantiales dixerimus. Allucinatur Alexander, nec facile excusari potest.

CONTRA GALENUM.

LICET Priscorum nonnulli cœcutiendo senserint Mentem Intelligentem instrumentariam fore, organoq; affixerint. Nos veritatem intimius perscrutantes, cuiusque organicæ qualitatis eam expertem dicimus. Quod non uidens Galenus cum Abelphearach Babylonensi asseruit intellectum facultatem esse cogitariam.

CONTRA ALGAZELEM.

APOLLINAR familiae Procères Medicinam saltem in parte Theoricam esse ostendere inhiant, quorū mentibus refragantes, eam ex toto practicam pronuntiamus. Delyrat igitur Algazel asserens Medicinam Naturali Theoriæ subalternari, nec ei fauet, quod habet Arist. in Dyplo-

CONTRA AVICENNAM.

PROTOPARENS Adamus secundum fidem è limo terræ formatus fuit, etsi fortè hominum genus diluuii quopiam imminente periret, fide tenemus ex limo reparari posse.

posse. Quia tamen inflata hominum Philosophia hanc ueritatem non uidet, in Philosophia fallitur Philosophus Auerroes, asserens hominem ex terra gigni posse.

CONTRA ALEXANDRUM
CONTRA AVERROEM.

*Auerro-
is lapsus.*

QUONIAM uerum uero non contrariatur, cum secundum Sacram Theologiam ueritatem Mens humana, si corporis organici forma informans, id in Philosophia etiam statuendum esse ambigit nemo. Quapropter in Philosophia cecidit Auerroes oppositum asserens. Iurataque definierunt Patres in synodo Viennensi aduersus talis positionis assertores. Doctrinam omnem, seu positionem temere asserentem aut vertentem in dubium, quod substantia animae rationalis seu intellectualis, uerè & per se humani corporis non sit forma, uelut erroneam, & ueritati Catholicae inimicam fidei hoc sacro approbante Concilio reprobauimus. Definientes ut cunctis nota sit fidei syncretæ ueritas, ac praecludatur uniuersis erroribus aditus, ne subintrent, quod quisquis deinceps asserere, defendere, seu tenere pertinaciter praesumpserit, quod anima rationalis seu intellectiva non sit forma corporis humani per se & essentialiter, tanquam haereticus sit censendus.

CONTRA MAGISTRVM.

*Magistri
lapsus.*

MENTES illas Coelites, quas Angelos nuncupamus, itaque bonos singulos creatos fatemur. Verum enim uero cum Magister dicat secundo sententiarum libro, quod prius acceperunt beatitudinem quam meruerunt. Iure optimo D. THOMAS & THEOLOGI cum dilacerant, nec nos in hoc ipsum tenemus.

PRO MERCYRIO TRISMEGISTO.

*Margis
Merme-
tis defen-
sit.*

HANC quam nuper diximus Mentem rerum omnium Archetypum, Opificemque fatemur, non productionem illam

illa æterna dumtaxat, quam balbutiebant Peripatetici, uerumetiam & temporanea, quam sanctissime dixit Mercurius, Elementa Naturæ undè emanarunt? A uoluntate Dei respondit, quod & nos fatemur.

PRO PYTHAGORA

HVMANA Philosophia ACTASIAM vsq; ad bruta minimè intelligit, nec Nostratibus ex Aristotile satis est explorata. Nos uerò Mahumetum sectantes qui illud frequens habebat in ore: Qui à Diuina lege recesserit brutum euadere, & merito quidem. Quod satis lucidè Sacra scriptura de Regè Chaldeorum aduertit. Quam rem si Theologiam Aegyptiacam consulerimus claram, atq; distinctam habebimus.

*Pythagore
re defen-
sio.*

PRO EPICUREIS.

QVI STOMACHANTVR Intellecta Epicureorum opinionone ponentium summum bonum in voluptate, habent palatum non benè dispositum, & palato non sano pœna est panis, sicut oculis ægris odiosa lux quæ puris est amabilis. Nesciunt enim duplicem esse Venerem, & geminam esse uoluptatem. Quare cum in uerâ uoluptate Epicurei foelicitatem statuerint, iurè optimo BEROSCAS Aegyptiacus eos commendat, & nos cum ratione defendimus.

*Epicureo-
rum de-
fensio.*

PRO PLATONE.

COELEM quod & alio nomine quintam essentiam Sapientes appellarunt, corruptioni obnoxium esse secundum Naturam perbellè docuit Plato dùm inquit: Vos natura corruptibiles estis, uoluntate uerò mea æterni, quia uoluntas mea maior est nexu uestro. Et in hoc uerâ Theologiæ Christianæ minimè aduersatur.

*Platonis
defensio.*

PRO ARISTOTILE.

*Aristote-
lis defen-
sio.*

PLATONEM tam multa ex Hebræorum libris in suos transtulisse scribunt, ut & NUMENIVS diceret, Quid est Plato nisi Moses Atticus? Vnde tenuit Mundum habuisse principium. Nos ex Aristotile eandem defendimus veritatem ex libro septimo de Physico Auditu dùm ait: Omne quod mouetur ab alio cieri necesse est.

PRO ALEXANDRO.

*Alexan-
dri defen-
sio.*

EXCLAMET ut libet Auerroes contra Alexandrum; Præceptoremq; Auempacem de Intellectu Agente. Quid enim contra veritatem hominum impostura? DEVS est Intellectus Agens, qui mentem illuminat & veritatem ostendit. Optimè dixit Alexander primam causam esse Intellectum Agentem, qui est Lux vera quæ illuminat omnem hominem venientem in hunc Mundum.

Ioan. I.

PRO GALENO.

*Galen-
is defen-
sio.*

MEDICINAM quæ adhuc vitiatam humani corporis constitutionem refarcire contendit sanitatem anhelantem, scientiam esse adhuc dubitant Medici. Galeni dogmata imitantes dicere tenentur eam nouam scientiam esse, quam partem nunc defendimus.

PRO ALGAZELE.

*Algae-
lis defen-
sio.*

EXCANDESCIT Cordubensis Philosophus in Algazelem Hebræum tanquàm in vecordem hominem in prima disputatione. Mirum est profectò quomodò tam solers ingenij acies tanti Viri mentem non sit assecutus. Veritati igitur innixi cum eo dicere audemus ab æterno posse nouum prouenire. Nihil itaque habet Algazel contra veritatem.

PRO

PRO AVICENNA.

PRIMA Philosophia scientiarum Regina ab ipsis nuncupata, quando ei adest facultas, ne dùm methodorum principia demonstrare potest, uerùm etiam & conclusiones. *Avicenne defensio.*

¶ Tunc Auerroes in coætaneum Avicennam insurgit, cum quò dicimus primum Philosophum substantias abstractas esse, posse demonstrare, quod multi recentiores non intellexerunt.

PRO AVERROE.

VIGET adhuc inter Nostrates de Materia Cœli non levis digladiatio (etsi adhuc sub Iudice lis sit.) Nos hæc omnia cum vno Auerroë defendimus ex libro de substantia Orbis, & ex alijs plerisque locis. Primum in Cœlo esse materiam. Nec nobis obest id quod Arist. lib. Diuin. 9. dicit: Neq; timendum est quòd Cœlum stet, causa autem fatigationis in Cœlo esset Materia. Alterum, superlunarium & sublunarium Materiam non esse unius & eiusdem rationis. Et hoc tam à Materia Cœli, quàm ab eius forma originem ducit. Vbi est enim alia & alia materia, ibi necessariò est alia & alia forma. Et in hoc peroptimè dicit Aegidius Romanus.

Auerrois defensio.

PRO MAGISTRO.

SECTARIO RVM nostri temporis perfidiam dudùm ab Antiquitate sanctissimorum Patrum ex Euangelica Historia damnatam & proculcatam quis non abhorreat? Dùm fateri non erubescunt Vnigenitum DEI Filium ab æterno non fuisse. DEVM, verùm in initio temporis. Cum oppo-

Magistri lapsus.

Nicæna orthodoxe confessa est, cum definiuit HOMOVSION.

Joan. 10.

Quam rem longè ante Saluator ipse docuerat dicens: Ego & Pater vnum sumus. Quam sincerissimam doctrinam cum summa laude Theologorum Coriphæus Magister Sententiarum defendit in primo.

PRO EVANGELIO.

Rom. 8.

DEVS cuius scientia quæ non est accidens, sed substantia, quia quicquid antequàm sit præscit, Præscientia appellatur, futura omnia inquit et præsentia. Quare quosq; saluandos optimè inquebat Paulus. Quos præsciuit conformes fieri imaginis Filij sui.

PRÆDESTINATIO: cum à Diuina uoluntate merè contingenterq; proficiscatur, ad obiectumq; contingens terminetur, in se necessaria est (vt perbellè docent in scholis) consequentis necessitate, non autem consequentiæ. Quare simpliciter contingens præscientiam insequitur. Hinc dixit Apostolus. Quos præsciuit hos & prædestinauit.

DIUINAM VOCATIONEM quoniam merita nostra non præcedunt, vocat enim quos vult, est itidem contingens, sit interna, sit externa, sit generalis, sit specialis, insequitur Prædestinationem: Inquit enim Tharsensis Apostolus. Quos prædestinauit, hos & vocauit.

SI LIBERI facultate ARBITRII coelesti suffult a præsidio geminus peccata, ueremq; relinquentes vitam, iustitiam sitimus, eamq; ex corde amplexamur, accedit confestim gratia iustificans, quæ necessariò dispositam sitibundamque præexigit uoluntatem, dicente Psalte Dilata os tuum & adimplebo illud. Et alibi: Anima mea in manibus meis semper: Ait enim Apostolus. Quos vocauit, hos & iustificauit.

QVAM

QUAM SANCTE IUSTITIAE & ARIONE quia non habentes hanc eis; adeptamq; angere; amissam uero reoperare ualeamus. Hinc ad primum conferre Baptismi Sacramentum; ad secundum opera meritoria; ad tertium poenitentiam sentimus. Quam sanam & sinceram doctrinam passim Evangelica testatur Hystoria. De Baptismate enim scriptum est: Nisi quis renatus fuerit ex aqua & Spiritu Sancto non potest intrare in Regnum DEI. Quare inanem illam Caluini promissionem quam foetido ore eructauit; perierit Baptismatis Sacramento; vel in re uel in uoto detestamur & execramur. De operibus bonis legimus: Et precedenti qui bona fecerunt in resurrectionem uitae; qui uero mala egerunt in resurrectionem iudicii. Poenitentiae necessitatem generis humani Redemptor innuit dicens: Nisi poenitentiam egeritis omnes simul peribitis.

Ioan. 3.
1. & 2.

Caluini
las. sus.

Ioan. 5.

Luc. 3.

GLORIFICAMUR Christianis meritis quæ & gratiam, & liberam exigunt humanam voluntatem; dicente Apostolo: Non ego sed gratia DEI mecum. Quæ gloriificatio iustificationem insequitur. Docuit enim Paulus: Quos magnificauit, illos & glorificauit. Hi uero gradus non ratione DEI OPERUM MERITORUM ponuntur, quippe qui in instanti fugæ eternitatis præsciuit, prædestinauit, vocauit, iustificauit, & magnificauit, seu glorificauit. Positi tamen sunt ab Apostolo ut imbecillitati humanæ DEI immensitatem accommodaret.

QUARE certam infallibilemque futurorum contingentium præscientiam in solo DEO ponimus. Omnes autem Ariolos, Auruspices; Astrologos, & huius farinae Viros decipi, allucinarique in futurorum contingentium ueritate dicimus cum Propheta. Annunziate quæ uentura

Rom. 1^o.

Ioninian.
& Calui-
nistarum
lapsus.

QUARE' reprobandi sunt Impostores Calvinistæ asse-
rentes Prædestinationem omnibus modis necessä-
riam esse, cum multum intersit inter consequentis &
consequentię necessitatem. Et Apostolus clamat: Vide
ergò DEI Bonitatem, & seueritatem in eos qui ex fide
exciderunt: Bonitatem uerò in eos qui in fide permanse-
runt: Ita & seueritatem in te, si tu ex fide excideris: Po-
tens est enim DEVS iterum inferere illos. Idq; apposita
allusione Oliuæ & Oleasti demonstrat. Quare asserimus &
habentem gratiam posse ab illa excidere, & non habentem
illam recipere posse. Etsi scetida Iouiniani & Calvinista-
rum ora secus eructarint. Itaq; pro ueritate stabilimus. &
Prædestinatum posse damnari, & Reprobatum saluari.
Quam ueritatem si quispiam occultam Isaaci Syri Theolo-
giæ consulerit apertissimam inueniet, statim ac deliquit
Adamus.

Ioan. 1.

QUARE' cum in liberi nostri Arbitrij facultate tanta uis
insita sit, ut uocanti DEO assentire & dissentire ua-
leamus ut Euangelica testatur Hystoria dùm ait: De-
dit eis potestatem filios DEI fieri. Dixit enim Ambro-
sius in casu Primi hominis non fuimus uoluntate priuati,
sed uoluntatis sanitate spoliati, Diuinæ uocationi assentire
uel dissentire nostræ est potestatis. Cuius rei imaginem
præferebat homo ille qui descendebat ab Hierusalem in
Hyerico quem spoliasse latrones plagis impositis & abijsse
Euangelica testatur Hystoria. Quare summo perè homini
Christiano (quamuis non admodum de Religione Catho-
lica benemerito) execranda uideri debet Matthiæ Flacci Il-
lyrici sententia, dùm ait: Originale peccatum hominis uisum
atq; substantiam esse.

QUARE' cum detur prior, posteriorq; Iustificatio, &
priorem præcedat assensus, posteriorem uerò meri-
ta, CHRISTI primò nobis per Iustitiam inhæren-
tem,

tem, quā uerè, & non per imputationem iustificamur, vt
 scelestissima Caluini & Beza ora fateri non erubescunt, &
 nostra etiam in quibus nos assentiendo iocurrimus, vt co-
 operators DEI simus in operibus bonis. Audemus di-
 cere assertiuè cum D. Augustino: Qui fecit te sine te, non
 iustificabit te sine te, & assentiente & merente.

QUARE Baptismi Sacramentum verè conferens gra-
 tiam, quod datur IN NOMINE PATRIS & FI-
 LII, & SPIRITVS SANCTI, in delectationem
 ne dùm originalis culpæ, sed actualis labis, necessarium est
 ad salutem, nec sine eo quisquā vitā æternam consequi po-
 test. Quod Sacramentum minimè iterandum esse aduer-
 sus prophanas Anabaptistarum sententias personamus atq;
 defendimus.

QUARE Infantes à Baptizatis concepti & nati, sine hoc
 Sacramento decedentes, salute non potiuntur, pœ-
 nam lugent licet mitissimam.

QUARE cùm Sacramenta extra Ecclesiam Catholi-
 cam & Apostolicam Romanam collata nullum ha-
 beant robur, cùm omne quod non est ex fide pecca-
 tum sit, uerissimum dixerunt Patres Græci Ecclesiam & ab
 Adamo, & ab Abele sumpsisse initium: Vterq; enim ipsius
 Ecclesiæ Caput fuit. Quam esse Monarchiam quantum ad
 caput attinet, & Aristocratiam quantum ad membra ortho-
 doxè definierunt Patres in Synodo Constantiensi aduersus
 errata Ioānis VVicleff & Ioannis Vfs.

QUARE Animalia illa quatuor quæ Ezechiel in Exta-
 tica illa uisione uidit, quæ rerum omnium quas ipse

ut Veritati prospiciam ex Aquila illa Ioannis paratum me præbeo demonstrare omnes hæreses quæ post CHRISTI Ascensionem ad superos usq; ad hæc nostra tempora aduersus CHRISTI Ecclesiam insurrexerunt, ab Aquila illa cælesti profligatas & pessundatas esse in ipsius Euangelio, & in Reuelationum Libro, nec non in Epistolis.

Esa. II.

DEINDE nomina omnia quæ DEO OPT. MAX. attribuantur, siue sint nomina ineffabilia siue non, siue IEHOVA Hebraicè, siue IOVA Syriacè concernant, solum mysteria abdicissima duodecim literarum quibus omnia ad DEVM attinentia enucleantur, continere unica Thesi reponimus iuxta ueritatem Aegyptiacæ Theologiæ Sydrachi Syri cùm opus fuerit inter disputandum & uerissimè & solidissimè aduertam. Ita ut Hebræi omnes, ni habeant uelamen superpositum in cordibus eorum uidebunt in ipsa meridiana luce se caligare, dùm dicunt, adhuc non adimpletum esse. Habitabit Lupus cum Agno, & Pardus cum Hædo accubabit. Quare polliceor omnes Veteris Testamenti authoritates in Nouo haberi ut impletas, ita ut ultra MESSIAH expectandus non sit.

INSUPER, Insignem illum ordinem quem Raymundus Lulius posuit in Arte Magna, in quo mirificam illam methodum differendi de DEO posteris reliquit, mutilatam esse diminutam, & falsam, nemo est qui ignoret, uel mediocriter uersatus in Mystica D. Dionysij Areopagitæ Theologia.

INSURREXIT Doctor Subtilis in D. THOMAM tanquam in uicordem hominem in multis: Et uiget inter Thomistas & Scotistas irreconciliabilis ferè altercatio. Ego autem assero non esse tam simile Ouum Ouo, sicut est Doctrina Scoti cum Angelici Doctoris sententia in quàmplurimis in quibus discordes uidentur, quorum concordiam demonstrabo cùm respondebo.

ALA

ALACRITER tandem profero ut Palestræ huic literarię ultimam manum imponam, quicquid, definiuit Sanctissima Synodus Oecumenica Tridentina in ijs quę ad Dogmata Religionis attinent, de quibus inter nos & sectarios controuertitur, Orthodoxę, & Christianę statutum esse. Quod totum pro unica conclusione aduersus Sectariorum blasphemias repono. Reliqua uerò uel ad morum reformationes attinentia, uel ad contextuum Sacrę Scripturę (quātum ad uersionem Editionis Vulgatę attinet) temporis angustia pro nunc alijs disputanda relinquo.

NE MIRERIS Candide Lector si grandes illos Platonem, Aristotilem, & reliquos celeberrimos uiros in errorem incidisse, falsaq; ueris miscuisse asserimus, ut uni ex Sacrosancta Scriptura, ex approbante Ecclesia Catholica & Apostolica Romana Veritati, deferatur autoritas, extra quam cum Diuinissimo Vate exclamamus.

OMNIS HOMO MENDAX.



ENUNTIATA Ista numero ter-
centa & octuaginta millia si qui-
spiam classicorum volumina, &
mysticam Aegyptiorum Theolo-
giam consulet, prateritis ijs qua ad Religionis Ca-
tholica dogmata pertinent, oscitantius numera-
bit, tot esse inueniet. Ego verò secundum suppu-
tationem Sydrachi Syri Aegyptiaci dico esse decem
& octo millia, ut numeri allusio qua praestantissi-
ma est, Enuntiatorum specimen praeferat. Om-
nia verò haec Enuntiata unica Thesi subordinata
sunt, in qua nec est subiectum, nec pradicatum.
Et hoc unum Enuntiatum, & haec omnia disputa-
luntur publicè Venetijs in Religiosissima & Celebe-
rima Ecclesia. SS. Ioannis, & Pauli de licen-
tia Superiorum per octiduum. Et exordium di-
sputationis aggrediemur die XVIII. Mensis
Iunij horis HORIS POMERIDIANIS.